



DEO OPT. MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS;
*manè discutienda, in Scholis Medicorum, die Jovis decimâ-quartâ
mensis Aprilis, anno Domini M. DCC. LXIII.*

PRÆSIDE,
M. JOANNE-NICOLAO MILLIN DELA COUR VEAULT,
Doctore Medico, Scholarum Professore designato.

An optima morborum προφύλαξις, inedia?

I.



ISEROS mortales! vitam vivere non autumant, nisi
imperanti serviant gulæ. Dum verò in saginandis, farcien-
disque ventribus toti sunt, malorum iliadem ad se ultro ar-
cessunt. Mundi tamen cœva, antiquissimaque Medicinæ pars,
Hygiène, tutelæ instar, præsidii que, quidquid vitam sustentare
& à morbis securam efficere valeat, benè provida sedulò dis-
quirit. Hinc de salubribus & insalubribus esculentorum, potulentorumque

viribus, &c..... sanctæ leges, observatione confirmatæ sanitati consulunt. Sub duplici respectu ab *Hygiene* consideratur sanitas, vel illæsa & incolumis, ideoque in eodem statu servanda; vel omnibus causis ipsius ruinam minuantibus obnoxia, & idcirco ab illarum invasione vindicanda. Posterior hæc *Hygieines* pars dicitur *προφύλαξις* seu *preservatio*. Satis sit illius efficacitatem comprobare unico duntaxat exemplo, eò tamen majoris momenti, quò magis innotescit. In Atticâ grassante terribimâ illâ peste quæ nefandâ populorum devastatione potissimum infamis fuit, licet stragibus undequaque circumdatâ, integræ tamen & quasi sacro-sanctæ in medio steterunt Athenæ. *Prophylaxin* apprime callens Cœus senex, ærem heterogeneis miasmatibus, effluviis, vaporibusque mali moris contaminatum merito incusans, per Athenarum vicos ignibus accensis, nonne pestem depulit? Longè plura à *Prophylaxi* beneficia expectare etiam nunc licet; nec igne solo sed pluribus aliis mediis, quorum optimum sanè censendum, quod generalioribus morbotum causis celerius, potentiusque occurrit.

I I.

MISSIS procatharticis & proximis causis, in remotis seu prædisponentibus, Plethorâ scilicet & Cacochymia, unice nostræ Theſeos vertitur cardo. Iis quippe rerum non naturalium abusus vel prava indoles plerumque ortum præbet. Licet cuique ætati, tempeſtati, temperamento, sexui, peculiariæ adferbantur morbi, à duabus tamen hisce causis sopita foveantur ferè omnia malorum genera, quæ à prædeterminante causâ tantum expergeſcunt: imò nullum est vitium etiam solidorum, nullaque corporis constitutio, antiquorum *temperies*, quæ à Plethorâ & Cacochymia pendere non videantur. Propriis phenomenis innotescunt causæ remotæ. Plethorâ, quæ propriè sanguinis & bonorum succorum redundantiam significat, fibratum crassitiem, torporem, colorem cutis roseum, polysarciam, pulsum durum præ se fert, & hæmorrhagiis, somnolentiæ, vertiginosæ capitis gravitati, inflammationibus, omnibus demum ex acutorum genere morbis ut plurimum favet. Nam in exercitantibus boni habitus ad summum progressi, periculosi, si in extremo fuerint; non enim possunt in eodem manere, neque quiescere. Cum verò non quiescant, neque ultra possint in melius proficere, reliquum est igitur ut in deterius ruant (a). Cacochymia quæ est pravorum humorum quantitas in vasis sanguineis & secretoriis, fibrarum exilitatem, mollietatem, atoniam, colorem pallidum, corporis macilentiam secum trahit, morbosque pertinaces & chronicos inducit, quales sunt Leucophlegmatia, Ascites, Rachitis, Schirrus, &c. Per utriusque prædisponentis causæ connubium, pro alterutrius majori vel minori intensitate, parantur morbi medii, id est Plethoræ simul & Cacochymix participes, ut Rheumatici, Arthritici morbi, Variolæ, Scorbutus, Struma, Phthisis, Carcinoma, &c. Carcinoma præsertim peremptorium huiusce miscelæ exemplum exhibet, eum nihil aliud sit quam Schirrus, cui accessit inflammatio. Profligatis igitur duabus prædisponentibus causis, declinantur effectus numerosissimi qui corpus humanum solent infestare. Quâ autem viâ Plethorâ & Cacochymia tutius, citiusque atcebuntur? In promptu est inedia indicationibus abundè satisfaciens.

I I I.

QUÆ antea intulerunt vulnus, nunc ferunt opem res non naturales. Ex earum penu eruantur remedia morborum prophylactica. *Primaria*

(a) Hipp.
Aphor.
Sect. I.

hæc habentur, *abſtinentia*, *quies*, *potus aqua calida*, *deinde blandus & aliquandiu continuatus motus uſque ad initia lenis ſudoris*, tum poſtea *ſomnus largior corpore benè teſto* (a). Nonnulla quidem ab iis manare poſſunt emolumenta; ſed majora deſiderantur. Cum verò nihil præſtantius, nihil optabilius bonâ valetudine ſit, nullaque pejor conditio quam morboſam vel morbo proximam vitam agere, deſignatis mediis ſuperaddendum ducimus, ut ſanitas ab ingruentibus morbis ſalva citiùs evadat, nec mala per longas invaleant moras. Abſtinentia nimirum, alimenta quædam licet pauciſſima concedens, Plethoræ lentiùs medetur, difficiliùſque Cacochymiam peſſumdat: impura enim corpora vel leviter nutrire, lædere eſt. Quies, ſomnus largior humorum lentorem à Plethorâ jam inductum quadantenùs alunt. Aqua calida novam cacochymico corpori laxitatem conciliat, Morus demùm ad initia ſudoris continuatus, vel quidquid ad Gymnaſticen reſertur, bona mixta malis nunquam non producit. Alia ſunt etiam vulgò uſurpata quæ ad *Prophylaxeos* metam non minus obliquè tendunt. Hinc plurimi falluntur, dum ſe primo die protinùs ſublatoſos languorem, aut exercitatione, aut balneo, aut coactâ dejectione, aut vomitu, aut ſudationibus, aut vino ſperant (b). Ad inediam igitur, tanquam ad ſacram anchoram, conſugiamus, cum nullis urgeatur viriis & utrique cauſæ remotæ accommodatior rectiùs collineet.

(a) Boerrh.
Inſt. Medic.
§. 1050.

(b) A. Corn.
Cels. Medic.
lib. 3. cap. 2.

I V.

PER inediam nec ſummam virium proſtrationem, nec ſqualidum corporis marcorem, ut quidam volunt, ſed omnimodam intelligas alibilium abſtinentiam, quæ certos intra limites reſoſita ſanitatem reſtituit, nedum ſubvertat; morboſ, nedum inducat, procul amovet. Reverâ quidem quoties novis ſuccis defraudabitur plethoricum corpus, quotidianis deperditionibus redundantes ſucci evaneſcent, totieſque Plethora citiſſimè tolletur. Nec minora cacochymico corpori ex inediâ venient commoda. Illius namque beneficio prava digeſtio ſœcunda Cacochymix parens imprimis præpeditur (a). Malum igitur non addetur malo. Deterioribus humoribus non ampliùs obruta Natura tunc ſui juris fiet; & cum tantùm valeat in ipſomet ſtatu morboſo, eâdem vitæ vi quâ crifeſ & coctiones molitur, in cacochymicam humorum diatheſim inſurgere, craſſa terere, expellere noxia, ſicque morboſ antevertere multò magis valebit. Inediæ tamen conſociare amamus motum lenem & potum aquæ puriſſimæ, ſæpè ſæpius frigidæ, quòd tonum fibrarum liberiorem, circuitum fluidorum expedi-tiorem abſque noxâ cieat motus lenis, caloremque à Naturæ conamine excitatum compeſcat aqua frigida, noxiòs humoreſ diſſuat & ſecum rapiat. Præcipua verò laus inediæ tribuatur. *Fames enim magnam ſanandi vim in hominum naturam exercet* (b). Plurèſ adhuc alioſ non minoris momenti effectùſ præſtat inedia. Vix in lucem edituſ infans pungentiſ meconii pondere dolet & vagit. Oblatâ non allicitur mamma. Nullum appetit cibum. Quidnam vagituum cauſam excludet? Quidnam pabuli appetentiam dabit? Inedia. Graviſſimo quidam percellatur mœrore. Contremiſcit cor, tremula ſtringitur arteria, ſtat non influens nervorum ſuccuſ, feriuntur muſculi, frigefeunt artuſ, imminet mors. Quidnam tumultuoſoſ tanti pathematiſ fluctuſ componer? Inedia. Incitatiſſimo vectuſ equo peregrinatur alter. Succuſſibus diſturbantur functioneſ. Cephalicâ caput, dyſpnæâ pectuſ, torminibuſ abdomen, lumbagine truncuſ, artuſ laſſitudine torquentur. Ut ut ſit,

(a) Galenuſ
narrat An-
toninum Im-
peratoreſ,
cujuſ erat Ar-
chiater, ven-
triculi eruti-
tateſ depel-
lere ſolituſ
inediâ uniuſ
diei.

Vopife. For-
tunat. Plemp.
de valetud.
tuend. c. X.

(b) Hipp. de
veter. Medi-
cin. §. 15.

currendum ultra. Quidnam anxio viatori succurret? Inedia. Nec plus æquo extenditur istud inediæ præconium, quippe ab Ægyptiorum Medicinâ etiam comprobatur. Morbos ut anevertant, clysteri.s, jejuniis & vomitu corpora medicantur..... In omnis enim nutrimenti digestionem majorem partem esse superfluum & hinc morbos creari: idèdque curationem jam memoratam quâ principia morbi tolluntur, ad recuperandam valetudinem conferre plurimum affirmant (c). Præsertim igitur jejuniis principia morbi tolluntur, & eorum ope morbos anevertunt Ægyptii. Præterea cum Romano Hippocrate censere juvat: satis sit tum ex toto à cibo, à vino, ab omni motu corporis abstinere, cum vehementes nos terruerunt: Neque dubium est, quin vix quisquam, qui non dissimulavit, sed per hæc maturè morbo occurrat, ægroiet (d).

(c) Diodor. Sicul. Bibl. historic. lib. 1.

(d) A. Corn. Cels. Medic. lib. 3. cap. 2.

V.

VERUM absit ut ab Hygieine ad Therapeuticen concludamus, demissèque & inverecundè Genevensi assentemur Civi, qui nostram artem contumaciter dilanians (a) Medicos eorumque auxilia in dedecus vertere malis omnibus conatur. Huic si foret adhibenda fides, ubi primùm qualicumque morbo correptus jaceret æger, stupidè immotus staret belluarum more, salubribusque surdus consiliis ne minimum quid in spem salutis caperet. Quasi obtrectator ille nesciret bestiis insitum esse à naturâ instinctum, quo suadente vix dum ægotantes herbacea medicamenta vorant vel avidè aquam exhauriunt medicatricem. Procul ergò absona hæc paritas & à veritate prorsus aliena & hominis dignitate indignissima. Nunc verò Philosophi nostri fauces inflammatione strangulari, lotiive excretionem suppressi potiori jure supponamus. Nonne in utroque casu exitiosa morbi judicatio & stoliditatis & pertinacis inertiae piaculum foret? Secus verò si docilem prudentibus Medicis præbuisset aurem, ex morbo, doloribusque evalisset incolumis, nec solius affectarum commiserationis mancipium factus, languentem, miseram, morosam, inexhaustum stupendæ asperitatis fontem vitam duceret. Manet igitur inconcussa iatricæ artis utilitas. Integra manet necessitas medicamentorum. In iis præsentium morborum medelam Clinicus quærat. In præcavendis verò morbis optima Medicina est nullam facere. Inediæ rem committamus & brevi restituet rem, Ratio, experientia, autoritas, opinioni nostræ suffragantur. Tantis suffulti momentis probè concludere confidimus.

(a) J. J. Rousseau, in libro cui titulus est, *Emile, ou de l'Education*. tom. 1. pag. 42. & sequi.

Ergo optima morborum προφύλαξις, inedia.

Proponebat Parisiis JOSEPHUS PHILIP, Intervallæus - Glandanensis, Doctor Medicus Remensis, necnon Saluberrimæ Facultatis Medicinæ Parisiensis Baccalaureus, Theseos Author. A. R. S. H. 1763.

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ
Typographi, 1763.